

佛學進修班

初期大乘佛學：般若系統(續)

趙敬邦

2026 年 7 月 26 日

一、宗旨

- [劉宋] 求那跋陀羅 [譯] · 《雜阿含經·卷十》：「一切行無常，一切法無我，涅槃寂滅。」
- [劉宋] 求那跋陀羅 [譯] · 《雜阿含經·卷十》：「世人顛倒，依於二邊，若有若無。[……] 如實正觀世間集者，則不生世間無見；如實正觀世間滅，則不生世間有見。迦旃延！如來離於二邊，說於中道。」
- [唐] 玄奘 [譯] · 《大般若波羅蜜多經·卷四零九》：「如是梵志，由勝解力，於一切法不取不捨，以實相法中無取捨故。」
- [元] 宗寶 [編] · 《六祖大師法寶壇經·般若品》：「用自真如性，以智慧觀照，於一切法，不取不捨，即是見性成佛道。」

- 龍樹 [造]，鳩摩羅什 [譯]．《大智度論．卷十八》：「觀真空人，先有無量布施、持戒、禪定，其心柔軟，諸結使薄，然後得真空。邪見中無此事，但欲以憶想分別，邪心取空。譬如田舍人初不識鹽，見貴人以鹽著種種肉菜中而食，問言：何以故爾？語言：此鹽能令諸物味美故。此人便念：此鹽能令諸物美，自味必多。便空抄鹽，滿口食之。鹹苦傷口，而問言：汝何以言鹽能作美？貴人言：癡人！此當籌量多少，和之令美，云何純食鹽？無智人聞空解脫門，不行諸功德，但欲得空，是為邪見，斷諸善根。」
- [唐] 玄奘 [譯]．《大般若波羅蜜多經．卷三二七》：「是菩薩摩訶薩從初發心已聞此法，其心堅固不動不轉，依此堅固不動轉心，恒正修行布施、淨戒、安忍、精進、靜慮、般若波羅蜜多。」

二、內涵

1.) 布施

- 龍樹 [造]，鳩摩羅什 [譯]。
《大智度論·卷十四》：「財施、法施、無畏施，以三施對治慳貪，除卻貧窮。」
- 龍樹 [造]，鳩摩羅什 [譯]。
《大智度論·卷三十三》：「淨施，不為世間名利福報，但為出世善根及涅槃之因。不淨施，以妄心求福報、行布施。」



(資料來源：網上圖片)

2.) 持戒

- 龍樹 [造]，鳩摩羅什 [譯]．《大智度論．卷十三》：「譬如無足欲行，無翅欲飛，無船欲度，是不可得；若無戒欲求好果亦復如是。 [……] 大惡病中，戒為良藥；大恐怖中，戒為守護；死暗冥中，戒為明燈；於惡道中，戒為橋樑；死海水中，戒為大船。」
- 龍樹 [造]，鳩摩羅什 [譯]．《大智度論．卷十三》：「好行善道，不自放逸，是名尸羅。或受戒行善，或不受戒行善，皆名尸羅。尸羅者，略說身口律儀有八種：不惱害、不劫盜、不邪淫、不妄語、不兩舌、不惡口、不綺語、不飲酒，及淨命。是名戒相。」

3.) 忍辱

- 龍樹 [造]，鳩摩羅什 [譯]．《大智度論．卷十四》：「問曰：人未得道，衣食為急，云何方便能得忍，心不著、不愛給施之人？ 答曰：以智慧力，觀無常相、苦相、無我相，心常厭患。譬如罪人臨當受戮，雖復美味在前，家室勸喻，以憂死故，雖飲食餽膳，不覺滋味；行者亦爾，常觀無常相、苦相，雖得供養，心亦不著。[……] 是故行者於供養人中，心得自忍。」
- 龍樹 [造]，鳩摩羅什 [譯]．《大智度論．卷十四》：「云何瞋惱人中而得忍辱？ 念昔因緣，作償債觀，當自思惟：一切眾生有罪因緣，更相侵害。我今受惱，亦本行因緣，雖非今世所作，是我先世惡報，我今償之，應當甘受，何可逆也！譬如負債，債主索之，應當歡喜償債，不可瞋也。復次，行者常行慈心，雖有惱亂逼身，必能忍受。」

4.) 精進

- 龍樹 [造]，鳩摩羅什 [譯]．《大智度論·卷十八》：「精進者，謂心練於法而不懈怠。如法致財而用於布施等，為身精進；斷慳貪等惡心，使不得入者，為心精進。」
- 龍樹 [造]，鳩摩羅什 [譯]．
《大智度論·卷十五》：
「精進法，是一切諸善之根本，
能生出一切諸道法，乃至阿耨
多羅三藐三菩提。」



5.) 禪定

- 龍樹 [造]，鳩摩羅什 [譯]．《大智度論．卷十七》：「此常樂涅槃從實智慧生，實智慧從一心禪定生。譬如然燈，燈雖能照，在大風中不能為用；若置之密宇，其用乃全。散心中智慧亦如是，若無禪定靜室，雖有智慧，其用不全；得禪定則實智慧生。以是故，菩薩雖離眾生，遠在靜處，求得禪定。以禪定清淨故，智慧亦淨；譬如油炷淨故，其明亦淨。以是故，欲得淨智慧者，行此禪定。」
- 龍樹 [造]，鳩摩羅什 [譯]．《大智度論．卷十七》：「自得禪，憐愍眾生，令離不淨樂而得禪定樂，令離不淨樂而得禪定樂，次令得佛道樂。[……] 復次，於此禪中不受味，不求報，不隨報生，為調心故入禪，為調心故入禪；以智慧方便，還生欲界，度脫一切眾生，是時禪名為波羅蜜。」

6.) 般若

- 龍樹 [造]，鳩摩羅什 [譯]．《大智度論．卷十八》：「諸菩薩從初發心，求一切種智於其中間，知諸法實相慧，是般若波羅蜜。」
- 龍樹 [造]，鳩摩羅什 [譯]．《大智度論．卷七十九》：「諸法實相有種種名字：或說空，或說畢竟空，或說般若波羅蜜，或名阿耨多羅三藐三菩提。」
- 龍樹 [造]，鳩摩羅什 [譯]．《大智度論．卷五十二》：「一切所有善法、助道法、若聲聞法、若辟支佛法、若菩薩法、若佛法，是一切法皆攝入般若波羅蜜中。」

7.) 意義

- [宋] 道原 [纂]·《景德傳燈錄·卷三》：「[梁] 武帝問曰：朕即位已來，造寺寫經不可勝記，有何功德？達摩回曰：並無功德。武帝：何以無功德？達摩：此但人天小果，有漏之因，如影隨形，雖有非實。武帝問：如何是真功德？達摩答：淨智妙圓，體自空寂，如是功德，不以世求。」
- 龍樹 [造]，鳩摩羅什 [譯]·《大智度論·卷六十二》：「譬如生盲人，若百、若千、若百千而無前導，不能趣道、入城。憍屍迦！五波羅蜜亦如是，離般若波羅蜜，如盲無導，不能趣道、不能得一切種智。憍屍迦！若五波羅蜜得般若波羅蜜將導，是時五波羅蜜名為有眼；般若波羅蜜將導，得波羅蜜名字。」

- [唐] 玄奘 [譯] · 《大般若波羅蜜多經·卷五三一》：「布施等六波羅蜜多無差別相，若無般若波羅蜜多，布施等五，不名為波羅蜜多。要因般若波羅蜜多，布施等五，乃得名為波羅蜜多。由此前五波羅蜜多，攝在般若波羅蜜多。故但有一般若波羅蜜多，所謂般若波羅蜜多。」
- [後秦] 鳩摩羅什 [譯] · 《小品般若波羅蜜經·卷九》：「行般若波羅蜜時，則具足諸波羅蜜。」
- [唐] 玄奘 [譯] · 《大般若波羅蜜多經·卷五二八》：「善現！是為初發心菩薩摩訶薩，依學六種波羅蜜多，作漸次業、修漸次學、行漸次行，與諸有情作利樂事。」

- 龍樹 [造]，鳩摩羅什 [譯]．《大智度論．卷九十一》：「菩薩摩訶薩行檀波羅蜜時，成就眾生。是菩薩自行布施，亦教他人行布施，讚歎布施法，歡喜讚歎行布施者。是菩薩如是布施已，生剎利大姓、婆羅門大姓、居士大家，若作小王、若轉輪聖王，是時，以四事攝取眾生。何等四？布施、愛語、利行、同事。是四事攝眾生已，眾生漸漸住於戒、四禪、四無量心、四無色定，四念處乃至八聖道分，空、無相、無作三昧，得入正位中，得須陀洹果乃至得阿羅漢果，若得辟支佛道，若教令得阿耨多羅三藐三菩提，作是言：諸善男子！汝等當發阿耨多羅三藐三菩提心，是阿耨多羅三藐三菩提易得耳！何以故？無有定法眾生所著處，但顛倒故眾生著。是故汝當自離生死，亦當教他離生死；汝等當發心，能自利益，亦當得利益他人。須菩提！菩薩摩訶薩應如是行檀波羅蜜！」

三、小結

- 初期大乘佛教的首要任務是要重申佛教的精神
- 「破」中有「立」；「立」中有「破」
- 證得般若需要次第、修行
- 證得般若後要迴向社會
- 般若經群出現以後乃有《法華經》、《華嚴經》、《涅槃經》和《解深密經》等相繼出現

- [唐] 玄奘 [譯] · 《般若波羅蜜多心經》：「觀自在菩薩，行深般若波羅蜜多時，照見五蘊皆空，度一切苦厄。舍利子，色不異空，空不異色，色即是空，空即是色，受想行識，亦復如是。」
- [唐] 實叉難陀 [譯] · 《大方廣佛華嚴經·卷三十六》：「菩薩摩訶薩如是勤修行時，以布施教化眾生，以愛語、利行、同事教化眾生，示現色身教化眾生，演說諸法教化眾生，開示菩薩行教化眾生，顯示如來大威力教化眾生，示生死過患教化眾生，稱讚如來智慧利益教化眾生，現大神通力教化眾生，以種種方便行教化眾生。佛子！此菩薩摩訶薩能如是勤方便教化眾生，心恒相續，趣佛智慧；所作善根，無有退轉，常勤修學殊勝行法。」
- [元] 宗寶 [編] · 《六祖大師法寶壇經·般若品》：「佛法在世間，不離世間覺；離世覓菩提，恰如求兔角。」

參考書目

- 方東美，〈中國大乘佛學〉(全兩冊，台北：黎明文化，2005 年)。
- 牟宗三，〈佛性與般若(上冊)〉(台北：台灣學生書局，2004 年)。
- 李世傑，〈印度大乘佛教哲學史〉(台北：新文豐，1991 年)。
- 呂 澂，〈印度佛學源流略講〉(上海：上海人民出版社，2005 年)。
- 廖明活，〈中國佛教思想述要〉(台北：台灣商務印書館，2006 年)。
- 羅時憲，〈能斷金剛般若波羅蜜多經纂釋講記〉(全四冊，香港：法相學會，2019 年)。
- 釋印順，〈中觀今論〉(北京：中華書局，2010 年)。
- 釋聖嚴，〈佛法綱要：四聖諦、六波羅蜜、四弘誓願講記〉(台北：法鼓文化，2021 年)。
- 上田義文著，陳一標譯，〈大乘佛教思想〉(台北：東大圖書公司，2002 年)。
- 梶山雄一等著，許洋主譯，〈般若思想〉(台北：法爾出版社，1989 年)。
- Peter Harvey, *An Introduction to Buddhism: Teachings, History and Practices* (Cambridge: Cambridge University Press, 2013).
- Y. Karunadasa, *Early Buddhist Teachings: The Middle Position in Theory and Practice* (Hong Kong: Centre of Buddhist Studies, University of Hong Kong, 2015).
- Lewis Lancaster ed., *Prajñāpāramitā and Related Systems: Studies in Honor of Edward Conze* (Korean: Berkely Buddhist Studies Series, 1977).
- A. K. Warder, *Indian Buddhism* (Delhi: Motilal Banarsidass, 2017).
- Paul Williams, *Mahāyāna Buddhism: the Doctrinal Foundations* (Oxon and New York: Routledge, 2009).